

Director di AZV Anco Ringeling despues di a reuni cu formador Eman

"Tabata un reunion interesante y relevante"



ORANJESTAD (AAN): Siman pasa y e siman aki formador Eman ta reuniendo cu partnernan den comunidad. Diaranzon mainta formador Mike Eman y su team a intercambia di pensamento cu un delegacion di Algemene Ziektekosten Vereniging 'AZV', encabezada pa su director Anco Ringeling.

Un reunion cu a tuma su tempo. Despues di un presentacion amplio na unda masha hopi punto di interes general a wordo treci dilanti, director di AZV Ringeling a califica e encuentro como uno interesante y relevante. "Nos a repasa diferente desaroyo

cu ta tumando lugar den AZV. Nos a wak bek riba e periodo di gobernacion cu ta tras di lomba y nos a tira un bista riba e periodo cu ta bin".

Haciendo e presentacion di e forma aki AZV por a duna formador un bista mas detaya kico ta e punto y aspectonan di AZV cu merece atencion. Ringeling a bisa cu tin diferente punto cu merece atencion. "Un di nan ta e financiamiento di AZV pa loke ta e periodo nos dilanti. Nos mester wak kico ta bay sosode cu e prima y cu e parti cu gobierno ta cubri. Te ainda nos a pone hopi

énfasis – esaki for di inicio di AZV – riba e dunadonan di cuida pa wak si nan por baha gasto. Pero lo por pensa tambe den direccion di e consumidornan di cuida. Cu si no ta posibel pa nan duna un contribucion den forma di un 'eigen bijdrage'".

Ringeling a bisa cu asaki ta un di e puntonan cu nan a trece padilanti, pero semper ta gobierno ta keda esun cu ta dicidi. Nan a propone diferente forma na formador pa controla e gastonan. E cambionan aki nunca por ni mag bay a costo di calidad, director di AZV a subraya.

"Nos a papia tambe



riba calidad di nos cuida. Regularmente tin cierto keho riba esaki. Ta pesey

nos a discuti e formanan con mehora esaki". Ringeling ta haya cu formador Eman a scucha cu hopi atencion. E ta bon na altura y a haci preguntanan al caso. "E no a duna nos indicacion si con su gobierno lo atende cu cierto asuntonan. Loke ta logico pasobra cu e mester discuti esey cu su coleganan y e minister nobo di salubridad. Mi mester conclui cu e reunion tabata uno relevante y interesante".